

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo obrazovanja,**  
**nauke, kulture i sporta**

**IZVJEŠTAJ**  
**o radu Ministarstva obrazovanja, nauke, kulture i sporta**  
**za 2007. godinu**

**Tuzla, januar 2008. godine**

## UVOD

Postupajući u skladu sa Zakonom o ministarstvima i Programom rada za 2007. godinu, Ministarstvo je djelovalo u okviru svojih nadležnosti, pratilo je stanje, provodilo politiku, utvrđivalo stanje, poduzimalo mjere, donosilo opće i pojedinačne akte, davalo mišljenja i preporuke iz oblasti odgoja i obrazovanja. Napori koje su ulagali zaposlenici Ministarstva u saradnji sa domaćim i međunarodnim organizacijama i institucijama na izvršavanju poslova iz svoje nadležnosti a posebno stvaranju preduslova za provođenje reforme obrazovanja su evidentni. Pored Godišnjim programom rada planiranih aktivnosti za 2007. godinu urađeno je daleko više poslova i zadataka.

Sve aktivnosti koje su Programom rada za 2007. godinu planirane uglavnom su realizirane izuzev adaptacije školskih objekata i nabavke nastavnih sredstava i učila, odnosno opremanja kabineta za fiziku, hemiju, biologiju itd., zbog ograničenih sredstava po programu kapitalnih ulaganja.

## PREDŠKOLSKO, OSNOVNO I SREDNJE OBRAZOVANJE

### Predškolske ustanove, osnovne i srednje škole

Na području Tuzlanskog kantona, u 13 općina radi: **9** predškolskih ustanova sa **1.531** djece i **221** zaposlenika, **88** osnovnih škola nastavu pohađa u školskoj 2007/08. godini **50.918** učenika raspoređenih u **2.235** odjeljenja. U ustanovama osnovnog obrazovanja radi **4.346** zaposlenika sa punim i nepunim radnim vremenom. U **33** srednje škole na području Kantona se obrazuje **23.954** učenika raspoređenih u **871** odjeljenje sa ukupno **2.121** zaposlenikom sa punim i nepunim radnim vremenom. Dakle, na području Tuzlanskog kantona radi, ukupno **130** predškolskih ustanova, osnovnih i srednjih škola, u kojima se odgaja i obrazuje ukupno **76.403** učenika, a ukupan broj uposlenika sa punim i nepunim radnim vremenom je **6.688**.

### Baza podataka za predškolske ustanove, osnovne i srednje škole

Za potrebe Ministarstva prikupljena je ažurirana i sređena baza podataka za predškolske ustanove, osnovne i srednje škole. Bazu podataka čine podaci o broju i strukturi djece u predškolskim ustanovama, osnovnim i srednjim školama, podaci o školskom prostoru i opremi, te podaci o uposlenicima u predškolskim ustanovama, osnovnim i srednjim školama.

### Upis učenika u prvi razred devetogodišnje osnovne škole

Od februara 2007. godine trajale su aktivnosti na upisu učenika u prvi razred devetogodišnje osnovne škole, odnosno prvi razred srednje škole. U prvi razred devetogodišnje osnovne škole upisano je 4.723 učenika razvrstanih u **213** odjeljenja.

Da bi se upis učenika u prvi razred devetogodišnje osnovne škole što kvalitetnije obavio, bilo je neophodno izvršiti opsežne pripreme u predškolskim ustanovama i osnovnim školama.

U ovoj godini intenzivirane su aktivnosti na obuhvatu što većeg broja Roma u osnovnim školama i stvaranju uvjeta za njihovo redovno pohađanje nastave, a tome doprinosi angažovanje referenta za romska pitanja.

### **Upis učenika u prvi razred srednje škole**

Aktivnosti oko upisa učenika u prvi razred srednje škole tekle su planiranom dinamikom od februara do avgusta 2007. godine. Da bi se upis učenika u prvi razred srednje škole obavio što kvalitetnije, prema potrebama društvene zajednice i tržišta rada, tražena su mišljenja: Kantonalne službe za zapošljavanje, Privredne komore TK, te prijedlozi srednjih škola i općinskih vijeća. Organiziran je i okrugli sto na tu temu upisučenika i prve razrede srednjih škola – izbor škole za sticanje zvanja i zanimanja.

Analize kadrovskih potreba, nepobitno je ukazala na neophodnost obrazovanja novih stručnih zvanja i zanimanja koja su trenutno deficitarna na području Kantona. Tako je Planom upisa učenika u prvi razred srednje škole, između ostalog, predviđen i upis jednog odjeljenja grafičkog tehničara WEB dizajnera, što nažalost nije naišlo na razumijevanje kod roditelja i učenika, jer nije bilo zainteresovanih učenika za to stručno zvanje.

Tokom upisnog janskog i avgustovskog roka u prvi razred srednje škole bio je izuzetno velik interes za upis u sva stručna zvanja medicinske i ekonomske struke. Planom upisa u srednje škole predvideno je da se svi učenici koji su završili osnovnu školu mogu upisati u neku od srednjih škola na području Kantona.

Za upis u prvi razred srednjih škola u školskoj 2007/08. godini planirano je 8.222 mjesta. U prvi razred srednje škole upisano je **6.194 učenika**.

### **Kapitalna ulaganja**

U 2007. godini osnovne i srednje škole su prema Planu razvojnih programa realizovale značajna kapitalna ulaganja u rekonstrukciju školskih objekata, najčešće rekonstrukciju krovova, sanitarnih prostorija, kotlovnica, instalacija centralnog grijanja i sl.

Najznačajnije investicije su realizovane u: JU OŠ “Banovići Selo” Banovići, JU OŠ “Turija” Lukavac, JU OŠ “Poljice” Lukavac, JU OŠ “Prokosovići” Lukavac, JU OŠ “Špionica” Srebrenik, JU OŠ “Duboki Potok” Srebrenik, JU OŠ “Podorašje” Srebrenik, JU OŠ “Rapatnica” Srebrenik, JU OŠ “Tušanj” Tuzla i JU OŠ “Lipnica” Tuzla.

Značajna sredstva su obezbijeđena za nabavku namještaja i opreme (**250.000,00KM**), naročito za srednje škole u funkciji unapređenja nastavnog procesa.

Programom kapitalnih ulaganja (**3.009.000,00 KM**) usmjerena su značajna sredstva za izgradnju školskih objekata. Najveće investicije su: izgradnja školskog objekta JU Gimnazija “Ismet Mujezinović” Tuzla, JU Gimnazija Živinice, JU Gimnazija Likavac, JU Gimnazija “Mustafa Novalić” Gradačac, zatim izgradnja školskog objekta JU OŠ “Pasci” Tuzla, JU OŠ “Doborovci” Gračanica, JU Druga osnovna škola Gračanica, PŠ Pribava, JU OŠ “Kalesija” Kalesija, JU OŠ “Teočak” Teočak, JU OŠ “Sapna” Sapna, JU Druga osnovna škola Srebrenik (izgradnja sportske dvorane) i JU OŠ “Klokotnica” Dobož Istok.

Po programu raspodjele sredstava iz koncesija usmjerena su značajna sredstva za rekonstrukciju JU MS Mašinska škola Tuzla i JU MS Saobraćajna škola Tuzla, te sredstva za nastavak gradnje JU Gimnazija Živinice i JU OŠ “Pasci” Tuzla.

Za rekonstrukciju školskih objekata, izgradnju i nabavku opreme, u tekućoj godini izdvojeno je oko **670.00,00 KM**.

Iz budžetskih sredstava, po rebalansu obezbijeđena su sredstva u iznosu od 400.000,00 KM za nastavak izgradnje sale za tjelesni odgoj za potrebe srednjih škola u okviru sportskog centra u Gračanici.

### **Problem nedostatka školskog prostora**

I pored općeg smanjenja broja djece školskog uzrasta, u pojedinim općinama je i dalje problem nedostatka školskog prostora. Naročito je to izraženo u područjima intenzivne gradnje, odnosno doseljavanja, kao npr. u Živinicama, Kalesiji i Gračanici. U ovim

područjima potrebna je gradnja novih školskih objekata (Živinice – Ciljuge i Litve, Kalesija – Centar, Gračanica -Pribava).

Neophodna je dogradnja školskih objekata JU Druga osnovna škola Živinice, JU Osnovna škola “Kalesija” Kalesija, JU Osnovna škola “Tojšići” Tojšići, Kalesija, JU OŠ “Mehmed-beg Kapetanović Ljubušak” Srnice, Gradačac PŠ Vučkovci, JU OŠ “Ivan Goran Kovačić” Gradačac, PŠ Požarike.

Za JU Druga osnovna škola Živinice potrebno je izgraditi dvije područne škole na lokalitetima Ciljuge i Litve.

Za JU Osnovna škola “Kalesija” Kalesija potrebna je dogradnja 6 učionica i fiskulturne dvorane.

U školama je evidentirana dotrajalost drvene stolarije na školskim objektima tako da je u narednom periodu neophodno planirati zamjenu dotrajale drvene stolarije prema prioritetima, zatim adaptacije mokrih čvorova i rekonstrukciju dotrajalih krovova.

Devet osnovnih škola ne posjeduje fiskulturnu dvoranu tako da je Ministarstvo obrazovanja apliciralo prema Federalnom Ministarstvu obrazovanja i nauke za dodjelu sredstava za izgradnju nedostajućih dvorana.

Nedostatak adekvatnog školskog prostora je jedan od limitirajućih faktora modernizacije obrazovanja u Tuzlanskom kantonu.

U skladu sa koncepcijom prelaska na devetogodišnje osnovno obrazovanje u školskoj 2007/08. godini ostvaren je potpun obuhvat svih školskih obveznika devetogodišnjeg osnovnog obrazovanja.

### **Saradnja sa Međunarodnom zajednicom na reformi predškolskog, osnovnog i srednjeg obrazovanja**

Zaposlenici Ministarstva su aktivno uključeni u sve aktivnosti koje vodi Međunarodna zajednica na reformi predškolskog, osnovnog i srednjeg obrazovanja i izradi Zakona o izmjenama i dopunama Zakona o predškolskom odgoju i obrazovanju, Zakona o izmjenama i dopunama zakona o osnovnom obrazovanju i Zakona o izmjenama i dopunama zakona o srednjem obrazovanju.

U ovoj godini Ministarstvo civilnih poslova radi na realizaciji novog projekata Restruktuiranje srednjeg obrazovanja, koji je finansiran od Svjetske banke.

Cilj projekta koji će trajati 4 godine je da se u strukturi srednjeg obrazovanja poveća učešće četverogodišnjeg srednjeg obrazovanja u BiH, odnosno povećanje obuhvata djece u srednjim školama za gimnazijsko, odnosno četverogodišnje tehničko obrazovanje.

### **Saradnja sa Upravnim tijelom za implementaciju Koncepcije devetogodišnjeg osnovnog obrazovanja.**

Na federalnom nivou radi Upravno tijelo za implementaciju Koncepcije devetogodišnjeg osnovnog obrazovanja. U radu Upravnog tijela i stručnih komisija učestvuju i predstavnici ovog Ministarstva, Pedagoškog zavoda Tuzla, kao i istaknuti dokazani stručnjaci iz škola. Urađena Koncepcija devetogodišnjeg osnovnog obrazovanja je dobila podršku svih kantonalnih ministarstava obrazovanja i prezentovana je svim direktorima i pedagozima osnovnih škola.

Ministarstvo je donijelo, uz predhodnu javnu raspravu Nastavni plan i program za četvrti razred devetogodišnje osnovne škole po kojem se realizira nastava u četvrtom razredu u osnovnim školama na području Tuzlanskog kantona.

### **Obezbeđivanje udžbenika za učenike romske nacionalnosti i učenike iz socijalno ugroženih porodica**

Budžetom Tuzlanskog kantona za 2007. godinu planirana su sredstva za, te za prijevoz učenika osnovnih škola koja su udaljena od škole preko 4 km. Nabavljeno je za potrebe učenika romske nacionalnosti **861 komplet udžbenika**, a za socijalno-ugrožene učenike nabavljeno je **532 kompleta udžbenika** od prvog do osmog (I-VIII) razreda. Pored toga otkupljeno je i **1.372 kompleta** udžbenika za treće dijete iz porodica koje imaju više od dvoje djece učenika od prvog do četvrtog (I-IV) razreda osnovne škole.

### **Stručno usavršavanje nastavnika osnovnih i srednjih škola**

Ministartvo je u saradnji sa visokoškolskim institucijama, uz neposredno angažovanje Pedagoškog zavoda, a sa strukovnim udruženjima zaposlenika iz obrazovanja, organiziralo seminare, savjetovanje, rasprave i posebne vidove stručnog usavršavanja nastavnika osnovnih i srednjih škola.

U saradnji sa Pedagoškim zavodom Tuzla Ministarstvo je i ove godine provelo pripreme za stručno usavršavanje nastavnika koji će raditi sa učenicima prvog, drugog, trećeg, i četvrtog razreda devetogodišnje osnovne škole, a od naredne školske godine i sa učenicima petog razreda.

### **Takmičenja učenika osnovnih i srednjih škola**

Posebna pažnja u Ministartvu, posvećena je takmičenju učenika osnovnih i srednjih škola iz matematike, fizike, hemije, biologije, informatike, tehničke kulture, engleskog jezika i kulturno-umjetničkog stvaralaštva. Pedagoški zavod Tuzla uz angažman istaknutih nastavnika osnovnih i srednjih škola je pružilo stručnu pomoć, a Ministartvo je materijalno pomagalo kantonalna, državna i međunarodna takmičenja učenika koja su održana u aprilu i maju 2007. godine. I ove godine su učenici na takmičenjima postigli zapažene rezultate.

Organizirano je niz manifestacija i takmičenja u povodu jubileja i značajnih datuma iz dalje i bliže prošlosti (državnih, međunarodnih i vjerskih praznika).

Takmičenjima je obuhvaćeno oko **8.300 učenika osnovnih i 2.270 učenika srednjih škola**.

### **Polaganje stručnih ispita**

U izvještajnom periodu Ministartvo je organiziralo sedam ispitnih rokova za polaganje stručnih ispita za odgajatelje, nastavnike, profesore i stručne saradnike predškolskih ustanova, osnovnih i srednjih škola. Polaganju ispita pristupilo je ukupno **308 kandidata**. Urađena su i izdata uvjerenja o ploženom stručnom ispitu odgajateljima, nastavnicima i profesorima koji su položili stručni ispit za samostalan rad u odgojno-obrazovnim ustanovama.

### **Ekvivalencija i nostrifikacija svjedodžbi i diploma**

Tokom izvještajnog perioda kontinuirano je vršena ekvivalencija svjedodžbi završenih razreda osnovnih i srednjih škola i nostrifikacija svjedodžbi završenog osnovnog i srednjeg obrazovanja. U izvještajnom periodu urađeno je **157 rješenja od toga 63 rješenja o ekvivalenciji svjedodžbi i 94 rješenja** o nostrifikaciji svjedodžbi i diploma.

### **Prevenција bolesti ovisnosti**

Sve predškolske ustanove, osnovne i srednje škole u saradnji sa vladinim i nevladinim organizacijama su permanentno radile na prevenciji bolesti ovisnosti kroz (predavanja, štampanje i distribucija brošura i letaka, istupe nosilaca aktivnosti u medijima i sl.).

Održani su radni sastanci sa pedagozima škola po pitanju konkretizacije aktivnosti na planu prevencije maloljetničke delikvencije i nasilničkog ponašanja.

### **Saradnja sa OSCE-a na implementaciji reforme obrazovnog sistema**

Ministartvo je nastavilo sa aktivnim učešćem u radu radnih grupa OSCE-a čiji rad se odnosi na reformu obrazovnog sistema na nivou države Bosne i Hercegovine i Koordinacione grupe na nivou BiH u razvoju i realizaciji EMIS Projekta.

U saradnji sa OSCE-om formirana je Regionalna radna grupa za obrazovanje koja organizira svakog mjeseca sastanke sa svim zainteresiranim ustanovama i institucijama iz oblasti obrazovanja. Na sastancima te Regionalne radne grupe za obrazovanje obrađuju se teme koje imaju za cilj unapređenje obrazovnog sistema u Bosni i Hercegovini. U toku je finalizacija strateških dokumenata, formiranje zajedničkih institucija u Bosni i Hercegovini, a prije svega Agencije za standarde i ocjenjivanje i Agencije za nastavne planove i programme, kao institucija koje će profunkcionisati na državnom nivou.

### **Implementacija EU-VET I i EU-VET II Programa**

U toku je implementacija EU-VET I i EU-VET II Programa u više srednjih škola u kojima se obrazuju učenici za slijedeće porodice zanimanja: poljoprivreda i prerada hrane, ugostiteljstvo i turizam. ekonomija, pravo, administracija i trgovina; geodezija i građevinarstvo; šumarstvo i obrada drveta.

Ministarstvo je aktivni sudionik realizacije programa Evropske unije za stručno obrazovanje i obuku EU VET 3 u vezi sa razvijanjem novih modularnih NPP za slijedeće porodice zanimanja: geologija, rudarstvo i metalurgija; hemija, nemetali i grafičarstvo; tekstil i kožarstvo, saobraćaj; zdravstvo i ostala zanimanja. Na području TK određeno je još 7 pilot škola za realizaciju programa EU VET 3.

### **Implementacija projekta podržanih od međunarodnih organizacija**

U osnovnim školama na području Tuzlanskog kantona, u toku je implementacija projekta "Razvoj interaktivnih otvorenih škola" i "Razvoj inkluzivnih škola kroz izgradnju lokalnih kapaciteta" koji se implementira uz pomoć Freudenberg fondacije, Catholich Relijef Services (CRS). Uz pomoć HD CRS-a implementiraju se i projekti "Roditeljsko-nastavnička vijeća", "Obrazovanje odraslih" i "Obrazovanje djece sa posebnim potrebama". Naročito dobra saradnja uspostavljena je sa NO "Amica" Tuzla koja je konkretno pomogla školama kojima je pomoć bila najpotrebnija i NO Save the Children UK koja je svoje aktivnosti usmjerila na implementaciju Akcionog plana o obrazovnim potrebama pripadnika nacionalnih manjina.

U organizaciji ICRC (Međunarodni komitet crvenog križa) nastavljen je projekat "Istraživanje humanitarnog prava" koji se postupno implementira u srednjim školama TK.

I dalje se radi na implementaciji Plana za provedbu Privremenog sporazuma o zadovoljavanju posebnih potreba djece povratnika. Posebno se prati dostupnost obrazovanju i primjena Kriterija za školske nazive i školske simbole. Aktivnosti u vezi realizacije navedenog plana vodi OSCE. Izvještaji sadrže analizu i prezentaciju podataka na području Bosne i Hercegovine.

Ministarstvo je uspostavilo dobru saradnju sa nevladinim organizacijama koje provode svoje aktivnosti na realizaciji programa sa ciljem kvalitetnijeg zadovoljavanja interesa i potreba učenika i studenata iz oblasti obrazovanja, kulture, sporta i informisanja.

U 2007. godini nastavljene su aktivnosti na realizaciji Projekta "Omladinsko poduzetništvo" koji se u saradnji sa Otvorenim društvom BiH realizira u srednjim školama.

### **Informatizacija osnovnih i srednjih škola**

**Od 88 osnovnih škola 82 škole su priključene na internet**, s tim što u 64 osnovne škole priključak interneta koristi samo menadžment i administracija, a u 18 osnovnih škola internet koriste zaposlenici i učenici. U 18 osnovnih škola internet koristi 10.520 učenika što

je 20% ukupnog broja učenika osnovnih škola. 86 osnovnih škola ima kabinet informatike, dok samo JU Osnovna muzička škola Tuzla i JU Zavod za odgoj i obrazovanja učenika sa smetnjama u psihičkom i tjelesnom razvoju nemaju kabinet informatike. Broj računara u kabinetima informatike u osnovnim školama je 797 što je oko 9 računara po školi.

**Od 33 srednje škole 31 škola je priključena na internet.** U 10 srednjih škola internet koristi isključivo menadžment i administracija, a u 21 srednjoj školi internet koriste i učenici i zaposlenici. U 21 srednjoj školi, pored menadžmenta, internet koriste zaposlenici i učenici škole ( 14.157 učenika ili oko 60% ukupnog broja učenika srednjih škola). Sve srednje škole, osim Srednje muzičke škole imaju kabinete informatike. Broj računara u srednjim školama je 549 što je preko 18 računara po školi.

### **Obrada predmeta u postupku davanja saglasnosti**

Zaposlenici odjeljenja za obrazovanje su u izvještajnom periodu bili angažirani na poslovima pripreme, prikupljanja i obrade predmeta u postupku davanja saglasnosti za imenovanje direktora osnovnih i srednjih škola, imenovanju školskih odbora, davanju saglasnosti za raspisivanje konkursa/oglasa i saglasnosti za unos podataka u centralizirani sistem za obračun plaća.

### **Donošenje i objavljivanje Nastavnih planova i programa**

U izvještajnom periodu vođene su aktivnosti pripreme donošenja i objavljivanja u Nastavnih planova i programa u Službenim novinama TK. U ovom periodu je u Službenim novinama TK objavljen Spisk srednjih škola za školsku 2007/08. godinu, Školski kalendar za školsku 2007/08. godinu, 17 NPP za EU-VET II, te NPP za četvrti razred devetogodišnje osnovne škole. NPP za hemijskog tehničara u farmaceutskoj proizvodnji i 6 izmjena i dopuna NPP, Pravilnik o izmjenama i dopunama Pravilnika o polaganju stručnog ispita.

### **Zbrinjavanje zaposlenika koji su djelimično ili potpuno ostali bez radnih zadataka**

Ministarstvo je radilo na zbrinjavanju zaposlenika koji su djelimično ili potpuno ostali bez radnih zadataka u školskoj 2007/08. godini. Komisije imenovane rješenjima Vlade Kantona su izvršile obradu predmeta, donijele odluke o raspoređivanju i izvršile kontrolu realizacije odluka u osnovnim i srednjim školama. Zbrinjavanju zaposlenika koji su djelimično ili potpuno ostali bez radnih zadataka je uspješno okončano početkom školske 2007/08 godine.

### **Provođenje Odluka i Zaključaka Vlade TK**

Ministarstvo je posebnu pažnju posvetilo realizaciji i provođenju Odluka i Zaključaka Vlade TK koje se odnose na davanja saglasnosti za raspisivanje konkursa i prijem novih zaposlenika, kao i davanja saglasnosti za zaključivanje ugovora o radu i ugovora o djelu.

Urađena je revizija i kontrola svih zaključenih ugovora.

### **Odabir udžbenika i davanje odobrenja za korištenje u tekućoj školskoj godini.**

Provedene su aktivnosti u osnovnim i srednjim školama oko izbora udžbenika, izvršen odabir i dato odobrenje za korištenje u tekućoj školskoj godini.

Školama su na vrijeme upućeni Spiskovi odobrenih udžbenika od strane Federalnog ministarstva obrazovanja i nauke, i odobrenje za njihovo korištenje u tekućoj školskoj godini.

### **Saradnja sa aktivima direktora osnovnih i srednjih škola**

Održano je više zajedničkih sastanaka ministrice sa saradnicima i aktivima direktora osnovnih i srednjih škola na kome je razgovarano o aktuelnoj problematici u osnovnim i srednjim školama na području Tuzlanskog kantona.

Od strane Ministarstva pružena je finansijska podrška za realizaciju kantonalnih takmičenja, kao i za učešće učenika sa područja Kantona na federalnim, državnim i međunarodnim takmičenjima. Za pobjednike su obezbijeđene jednokratne stipendije koje su uručene na prigodnoj manifestaciji organiziranoj u povodu sumiranja ostvarenih rezultata i postignutog uspjeha na takmičenjima.

I ove godine održana je tradicionalna manifestacija prijema učenika generacije osnovnih i srednjih škola i tom prilikom uručene su nagrade svim učenicima generacije.

### **Vrednovanje osnovnih i srednjih škola**

Vrednovanje osnovnih i srednjih škola, u skladu sa Instrumentarijem za vrednovanje, obavljeno je po okončanju školske godine, sačinjena rang lista škola po broju osvojenih bodova, a najboljim školama su dodjeljene novčane nagrade.

### **Smotra kulturnog stvaralaštva**

U organizaciji Ministarstva i Pedagoškog zavoda organizovanja je **smotra kulturnog stvaralaštva učenika osnovnih i srednjih škola**. U takmičenjima (školskim, općinskim i kantonalnim) iz različitih oblasti uzelo je učešće više od **8.000 učesnika**.

### **Prijedlog kapitalnih ulaganja**

Ministarstvo je uradilo Prijedlog kapitalnih ulaganja gdje je predviđeno da se:

1. Izgradi 9 sportskih dvorana za osnovne škole (JU OŠ "Brijesnica" Doboj Istok, JU OŠ "Soko" Gračanica, JU OŠ "Edhem Mulabdić" Međeđa, Gradačac, JU OŠ "Hasan Kikić" Gradačac, JU OŠ "Kalesija" Kalesija, JU Prva osnovna škola Srebrenik, JU OŠ "Živinice Gornje" Živinice, JU OŠ "Sjenjak" Tuzla i JU OŠ "Hamdija Kreševljaković" Kamberi, Gradačac) i 11 sportskih dvorana za srednje škole (u Tuzli 5, te po 1 u Doboj Istoku, Čelincu, Sapni, Gradačcu, Lukavcu i Živinicama), te dovršenje radova na Sali za tjelesni odgoj u Sportskom centru Gračanica.

2. Izgradnja i dogradnja školskih objekata osnovnih škola (JU Druga osnovna škola Živinice izgradnja 2 područne škole na lokalitetu Ciljuge i Litve; JU OŠ "Kalesija" Kalesija izgradnja Aneksa sa pripadajućim školskim prostorom za 6 učionica i fiskulturnu dvoranu; JU OŠ "Mehmed-beg Kapetanović Ljubušak" Srnice, Gradačac izgradnja novog školskog objekta područne škole Vučkovci; JU OŠ "Ivan Goran Kovačić" Gradačac izgradnja novog školskog objekta područne škole Požarike), te za potrebe srednjih škola: JU MSS Srebrenik izgradnja školskog objekta za potrebe gimnazije, JU Gimnazija Živinice dogradnja Aneksa školskog objekta koja je u toku, JU Gimnazija Lukavac dogradnja postojećeg objekta u cilju proširenja objekta JU MSS Doboj Istok izgradnja školske radionice za realizaciju praktične nastave JU MSS "Hasan Kikić" Gradačac dogradnja radionice za praktičnu nastavu i izgradnja objekta na školskoj ekonomiji.

3. Zbog starosti objekata i nedovoljnog ulaganja u investiciono održavanje potrebno je značajnije ulaganje u rekonstrukciju krovova, fasada, stolarije, instalacija centralnog grijanja, sanitarnih prostorija, podnih podloga, sportskih poligona itd (trenutno postoji potreba ulaganja u 20

## **VISOKO OBRAZOVANJE I NAUKA**

Aktivnosti Ministarstva na realizaciji Programa rada iz oblasti visokog obrazovanja i nauke u 2007. godini su ostvarene u saradnji sa Univerzitetom u Tuzli sa težištem na slijedeće:

- Davanje smjernica, sugestija i primjedbi na radnu verziju teksta Okvirnog zakona o visokom obrazovanju,



- Utvrđivanje upisne politike i upis studenata u I godinu dodiplomskog studija na Univerzitetu u Tuzli,
  - Organizacija Ljetnog univerziteta,
  - Organizacija manifestacije "Otvoreni Univerzitet".
  - Pružanje pravne pomoći Univerzitetu, studentima Univerziteta, ustanovama i drugim licima iz oblasti nauke i visokog obrazovanja (stručna mišljenja, objašnjenja i sl.),
  - Davanje saglasnosti za upošljavanje novih zaposlenika na Univerzitetu u Tuzli,
  - Razmatranje podnesaka, izrada i dostavljanje pojedinačnih akata, vezanih za primjenu pravnih propisa iz nadležnosti Ministarstva (mišljenja, preporuke, obavijesti, objašnjenja, saglasnosti i drugo),
  - Sudjelovanje na međuuniverzitetkim sastancima, prijem delegacija sa drugih univerziteta, učešće na seminarima, savjetovanjima, radne posjete fakultetima, te ostvarivanje drugih oblika saradnje u organizaciji međunarodne zajednice i Univerziteta,
    - Sufinansiranje postdiplomskog studija i izrade magisterija i doktorata,
    - Provođenje postupka dodjele studentskih kredita u skladu sa Odlukom o utvrđivanju kriterija za dodjelu kredita studentima koji su ostvarili nadprosječan uspjeh i Odlukom o dodjeli kredita redovnim studentima (Iz Budžeta Kantona su obezbijedena sredstva za 495 redovnog studenta dodiplomskog studija).
    - Provođenje postupka za utvrđivanje obaveze vraćanja kredita za studente - korisnike kredita za koje je dospjela obaveza vraćanja kredita, provjera podataka, upućivanje obavijesti, upućivanje opomene korsinicima studentskih kredita koji nisu počeli vraćati kredit,
    - Priprema i donošenje odluke, te preuzimanje obaveza subvencioniranja troškova smještaja i ishrane studenata sa područja Tuzlanskog kantona (u iznosu od 110,00 KM po studentu), smještenih u studentske centre u Federaciji BiH,
    - Rješavanje zahtjeva za odobravanje sredstava za uplatu doprinosa za zdravstveno osiguranje studentima, koji pravo na zdravstveno osiguranje ne mogu ostvariti po drugom osnovu,
    - Provođenje postupka nostrifikacije diploma više i visoke stručne spreme, te naučnog stepena magistar i doktora nauka,
    - Raspodjela sredstava sa budžetske pozicije "Nauka" za budžetsku 2007. godinu u skladu sa Planom raspodjele i Kriterijima o raspodjeli sredstava,.

## **Univerzitet u Tuzli**

Univerzitet u Tuzli, sa 44 studijska odsjeka, organizuje i izvodi nastavno-naučni proces na 12 fakulteta i Akademiji dramskih umjetnosti na kojima studira u Tuzli i Travniku **16.379 studenata dodiplomskog studija**. Na svim fakultetima organizovan je postdiplomski studij.

Veoma razvijena međunarodna saradnja Univerziteta je dobra osnova za uspješnu transformaciju Univerziteta u savremenu instituciju za edukaciju i istraživanje.

Usklađivanje nastavnih planova i programa sa evropskim, odvija se kroz više Tempus - projekata, u koji su uključeni svi fakulteti Univerziteta.

Obavljanje naučno-istraživačke djelatnosti, ostvaruje se u skladu sa Zakonom o naučno-istraživačkoj djelatnosti. Kompletna organizacija naučno-istraživačke djelatnosti na Univerzitetu je otežana. Teškoće su prvenstveno materijalne prirode imajući u vidu iznos sredstava predviđen Budžetom Kantona u 2007. godini za ovu namjenu.

## **INSPEKCIJA ZA OBRAZOVANJE**

U 2007. godini inspekcijski nadzor je obuhvatao:

- ustanove predškolskog odgoja i obrazovanja (9),
- osnovne škole (88), područne osmorazredne i četvororazredne škole (142), područne
- srednje škole (33),
- domovi učenika (1),
- osnovne škole za učenike sa smetnjama u fizičkom i psihičkom razvoju (2),
- osnovna muzička škola (4)

Inspekcija za obrazovanje je u toku izvještajnog perioda obavila 182 općih pregleda, tematskih pregleda 182 u osnovnim i srednjim školama TK, u smislu odredbe člana 9. i stav 1. Zakona o inspekciji za obrazovanje.

U svim srednjim školama, obavljani su pregledi. Predmet pregleda su bili ispiti vanrednih polaznika i personalni dosije za ocjenjivanje nastavnika. Ukazano je menadžmentu škole na propuste u radu, obavezu i način uklanjanja propusta. Izdato je 250 rješenja sa rokom za otklanjanje nedostataka. Svi subjekti su postupili po rješenju u datom roku. Sačinjeno je 200 zapisnika pri redovnoj kontroli, 85 zapisnika sačinjena su poslije kontrole, zapisnika iniciranih podneskom stranke 113, po zahtjevu ombudsmena ili po nalogu ministra, i 566 zapisnika sačinjenih poslije kontrole izvršenja rješenja, pokrenuti prekršajni postupci 2.

Najveći broj prigovora se odnosio na izbor kandidata po konkursu, utvrđivanje bod-liste zaposlenika za čijim radom je prestala potreba djelimično ili u cjelosti u ustanovama obrazovanja i utvrđivanje 40-časovne radne sedmice. Sve stranke su u propisanom roku dobile pisane odgovore, sa nalazom inspektora i poduzetim mjerama.

Ukupno 87 predmeta je prosljeđeno na postupanje nadležnom organu (inspekciji rada i MUP-u TK).

Izvršena je provjera validnosti 526 diploma, svjedodžbi i uvjerenja na fakultetima, srednjim i osnovnim školama TK, kao i Arhivu Tuzlanskog kantona. Većina zahtjeva za provjeru je od strane VIade Brčko Distrikta, Federalnog ministarstva za obrazovanje, Porezne uprave i Glavnog prosvjetnog inspektora RS.

Inspekcija za obrazovanje je u toku izvještajnog perioda obavila 108 općih pregled

## **PEDAGOŠKI ZAVOD**

Pedagoški zavod je Upravna organizacija u sastavu Ministarstva obrazovanja, nauke, kulture i sporta. Prema sistematizaciji radnih mjesta u 2007. godini, u Pedagoškom zavodu je zaposleno 13 službenika, od kojih su 12 savjetnici za oblast obrazovanja i 1 stručni suradnik za opće i pravne poslove. Pored toga, u Zavodu su zaposlena 3 namještenika: 1 viši referent-sekretarica, 1 domar-kurir-vozač i 1 pomoćni radnik-kafe kuharica-spremačica.

Unapređenje nastavnog procesa u osnovnim i srednjim školama bila je i u 2007. godini primarna aktivnost u reformi obrazovnog sistema u Tuzlanskom kantonu.

Realizacija ovih ciljeva odvijala se kroz stručno – pedagoški nadzor i savjetodavni pristup stručnih savjetnika na planu cjelokupne organizacije i realizacije odgojno – obrazovnog rada predškolskih ustanova, osnovnih i srednjih škola Tuzlanskog kantona.

U toku 2007. godine održano je **36 sjednica Stručnog vijeća** na kojima su donosene odgovarajuće odluke i zaključci.

**Težište aktivnosti usmjereno je na poslove iz oblasti:** Općeg i užestručnog nadzora, novog stručnog nadzora, stručnog usavršavanja nastavnika, stručnih saradnika i saradnika i menadžmenta škola, nastavka reformskih promjena obrazovnog sistema u osnovnim i srednjim školama TK, osavremenjavanja i poboljšanja kvaliteta nastave, saradnje sa nevladinim organizacijama, univerzitetom, lokalnom zajednicom, učeničkim i roditeljskim asocijacijama, inoviranja NPP u svim nivoima obrazovanja, evaluacije nastavnog procesa, posebno u onim segmentima u kojima se vrše određene promjene NPP – devetogodišnje obrazovanje, pripreme za provođenje mature u općim gimnazijama, kulture i javnih djelatnosti, saradnje PZ sa pedagoškim zavodima BiH, organizacije i realizacije stručnih ispita, davanja stručnih mišljenja za imenovanje direktora predškolskih ustanova, osnovnih i srednjih škola te ostalih stručnih mišljenja u nadležnosti Zavoda, saradnje sa Agencijom za standarde i ocjenjivanje u obrazovanju za Federaciju Bosne i Hercegovine i RS, provođenja postupka javnih nabavki za 2007. godinu, rada na izmjeni i dopuni Zakona o osnovnom odgoju i obrazovanju i Zakona o srednjem obrazovanju, Normativa i Pedagoških standarda, te Prijedloga Pravilnika o ocjenjivanju direktora osnovnih i srednjih škola, izdavačke djelatnosti, vrednovanja osnovnih i srednjih škola i izrade analitičkog izveštaja, i drugih poslova.

U periodu januar – decembar 2007. godine **izvršen je opći i užestručni nadzor** u 8 osnovnih i 5 srednjih škola Tuzlanskog kantona. Obavljen je detaljan uvid u svih 10 predškolskih ustanova (opći nadzor) te sačinjena analiza o stanju, aktivnostima, problemima i potrebama javnih ustanova za predškolski odgoj i obrazovanje na Tuzlanskom kantonu.

Opći stručni nadzor nad radom odgojno–obrazovnih ustanova obuhvatio je uvid u materijalno – tehničke uslove za izvođenje svih oblika nastave, realizaciju svih oblika odgojno–obrazovnog rada, u skladu sa Pedagoškim standardima i normativima, higijensko–tehničke uslove za izvođenje nastave.

U navedenom periodu izvršen je užestručni nadzor nad radom nastavnika, stručnih saradnika i saradnika te praćen rad na časovima 147 nastavnika u osnovnim školama i 115 profesora u srednjim školama. U svim školama u kojima je vršen užestručni nadzor izvršen je i opći nadzor i uvid u rad direktora i školskog menadžmenta i sačinjeni su pismeni izvještaji o obavljenom općem i užestručnom nadzoru škola te isti proslijeđeni Ministarstvu.

U okviru **Novog školskog nadzora**, stvorena je mreža škola na TK, i sačinjena je sveobuhvatna analiza koja upućuje na postignute rezultate i na pravce buduće aktivnosti u ovom vidu unapređenja nastavnog procesa u školi.

U nadležnosti Pedagoškog zavoda Tuzla u pogledu stručnog nadzora je 9 predškolskih ustanova sa 221 uposlenikom, 88 osnovnih škola sa 4.346 zaposlenika sa punim i nepunim radnim vremenom, 33 srednje škole sa 2.121 zaposlenikom sa punim i nepunim radnim vremenom ili u svojstvu saradnika.

Na osnovu iskazanih potreba, uzimajući u obzir značaj stručnog usavršavanja nastavnika i profesora, u toku 2007. godine održan je i **set seminara za nastavnike osnovnih i srednjih škola** Tuzlanskog kantona, kojima je prisustvovalo oko **2.000 nastavnika različitih stručnih profila** kao i seminara organizovanih za direktore i menadžmente škola.

U izvještajnom periodu, održano je 19 stručnih seminara za nastavnike osnovnih i srednjih škola, direktore i pedagoge. Za realizaciju seminara u Budžetu jeza školsku 2007/2008. godini obezbijeđeno je 150.000,00 KM.

Prema principima uspostave i rada „Nove škole“, uzimajući u obzir rezultate u odgoju i obrazovanju te uspješne realizacije nastavnih planova i programa, Pedagoški zavod u

kontinuitetu, organizuje i prati takmičenja učenika kako u oblasti obrazovanih disciplina tako i u oblastima sveukupnog kulturnog stvaralaštva kao značajnog dijela obrazovnog procesa kojim se potvrđuje kulturno-javna djelatnost obrazovnih ustanova. U izvještajnom periodu koji se odnosi na realizaciju plana aktivnosti Zavoda a u školskoj 2006/2007. godini organizovana su takmičenja iz: Matematike, fizike, engleskog jezika, civitasa, hemije, tehničkog stvaralaštva, informatike na općinskom, kantonalnom, federalnom i državnom nivou, realizirana je i „Smotra stvaralaštva...: Horovi, vokalne grupe, orkestri, moderni ples, folklor i likovno stvaralaštvo“ u svim općinama i na nivou Tuzlanskog kantona kao i završna manifestacija. Realiziran je Perojekat takmičenja iz oblasti likovnog stvaralaštva za osnovne i srednje škole u organizaciji EUFOR-a, pod nazivom «BiH na putu ka EU».

Pedagoški zavod je bio uključen u izradu različitih izvještaja, zakonskih i podzakonskih akata, planova i programa stručnih usavršavanja nastavnika i profesora te drugih aktivnosti koje su neposredno proističu iz saradnje sa nevladinim sektorom i obrazovnim institucijama.

Pedagoški zavod je izvršio **vrednovanje svih osnovnih i srednjih škola TK**, sačinio konačnu analizu izvještaja sa mjerama za poboljšanje stanja i isti dostavio resornom ministarstvu i školama.

U organizaciji Ministarstva obrazovanja, nauke, kulture i sporta TK, Pedagoškog zavoda i općih gimnazija TK, maturanti su polagali **maturski ispit** iz Testa općeg znanja i izbornih predmeta. Maturi je pristupilo 943 maturanta.

Pedagoški zavod je u junu mjesecu objavio 3. i 4. broj stručnog časopisa “NOVA ŠKOLA”.

Otvorena je biblioteka sa oko 2000 naslova iz beletristike, te čitaonica sa 3.500 stručnih časopisa i drugih stručnih publikacija.

Biblioteka i čitaonica na raspolaganju svim nastavnicima, učenicima i studentima sa područja Kantona.

U 2007. godini, Pedagoški zavod je organizovao **polaganje stručnih ispita** u 5 ispitnih rokova u kojima je organizovano u skladu sa Pravilnikom o polaganju stručnih ispita, polaganje za 305 kandidata različitih zanimanja i predmetnih područja predškolskih ustanova, osnovnih i srednjih škola .

## **OSJEK ZA SOBRAĆAJNU EDUKACIJU**

Ministarstvo je poduzelo niz aktivnosti u cilju stvaranja neophodnih pretpostavki i uslova za preuzimanje obaveza i provođenje procedura propisanih Zakonom o bezbjednosti saobraćaja na putevima u Bosni i Hercegovini i Pravilnicima koji se odnose na sticanje licenci, osposobljavanje i polaganje instruktorskih i vozačkih ispita.

Zakonom i Pravilnicima utvrđena je obaveza Ministarstva da izvrši **osposobljavanje kandidata i polaganje ispita za sticanje licence predavača teorijske nastave**.

U periodu april-juni 2007. godine Ministarstvo je: objavilo javni oglas za prijavljivanje kandidata za polaganje ispita za dobivanje licenci, obradilo **103 zaprimljena zahtjeva**, imenovalo komisiju za realizaciju propisanog programa, obezbjedilo prostor i opremu, literaturu i utvrdilo dinamiku osposobljavanja kandidata za tri grupe i izvršilo kontrolu uplate sredstva shodno cjenovniku obuke za polaganja ispita za sticanje licence. Komisija imenovana od strane Ministarstva obavila je ciklus educiranja i osposobljavanja kandidata za sticanje licenci predavača teoretske nastave, ispitivača teoretskog dijela ispita i ispitivača iz upravljanja motornim vozilom, obavila probno testiranje, konačno testiranje

kandidata, ispite i popravne ispite za kandidate koji u prvom ispitnom roku nisu zadovoljili. U ovom ciklusu **licencirana su 64 lica**, izdata uvjerenja o položenim testovima, uvjerenja o položenom ispitu za sticanje licenci, uneseni podaci u Registar i izdate stečene licence.

U aprilu 2007. godine, postupajući u skladu sa odredbama Pravilnika o osposobljavanju za vozače motornih vozila, upućen je javni poziv auto školama koje obavljaju djelatnost na području Kantona da Ministarstvu podnesu zahtjev za reverifikaciju rada auto škola.

U periodu maj-december 2007. godine izvršene su provjere na licu mjesta u pogledu ispunjavanja uslova utvrđenih odredbama člana 52. do 59. Pravilnika o osposobljavanju za vozače motornih vozila za 98 prijavljenih auto škola, od čega je **78 auto-škola ispunilo propisane uslove** i dobilo odobrenje za rad. Odobrenje za rad nije dato za 20 auto škola iz razloga što nisu ispunile Zakonom propisane uslove.

Ministarstvo je u septembru 2007. godine objavilo javni oglas za prijavljivanje kandidata za **sticanje dozvole vozač-instruktor motornih vozila**. U oktobru i novembru 2007. godine Ministarstvo je obradilo zaprimljene zahtjeve, imenovalo komisiju za realizaciju propisanog programa, obezbjedilo prostor, opremu i literaturu, utvrdilo dinamiku osposobljavanja kandidata i izvršilo kontrolu uplate sredstva shodno cjenovniku obuke za polaganja ispita.

Komisija imenovana od strane Ministarstva obavila je educiranje i osposobljavanje kandidata (45 sati) i obavila ispite za sticanje dozvole vozača instruktora.

Ministarstvo je izdalo uvjerenja o položenim testovima, uvjerenja o položenom ispitu, unijelo podatke u Registar i izdalo **dozvole vozača instruktora za 14 kandidata**.

U periodu septembar-novembar 2007. godine komisijski je po općinama izvršeno utvrđivanje **ispunjavanja uslova ispitnog mjesta za polaganje ispita za vozače motornih vozila**, prema uslovima propisanim Pravilnikom o osposobljavanju za vozača motornog vozila, pri čemu je za **7 općina** na području Kantona (Tuzla, Živinice, Banovići, Lukavac, Gračanica, Srebrenik i Gradačac) utvrđeno da ispunjavaju navedene uslove.

U navedenim općinama su određene osnovne ili srednje škole u kojima je uspostavljena neophodna infrastruktura (kancelarija za prijem zahtjeva za polaganje ispita - testova za vozače motornih vozila, učionica za obavljanje teoretskog dijela ispita) i uz prethodnu edukaciju u organizaciji Ministarstva obezbijeden kadar za administrativnu podršku (sekretari ispitnih mjesta).

Javnim pozivom svim vozačima-instruktorima na području Kantona pokrenut je postupak zamjene instruktorskih dozvola, pri čemu je za svaki podneseni zahtjev vršena provjera validnosti dokaza o položenim ispitima za vozače instruktore kroz evidenciju organa unutarnjih poslova koji su izdali pomenuta dokumenta. Do kraja godine zaprimljeno je oko **250 zahtjeva** pri čemu je izvršena obrada, provjera, uvođenje u jedinstveni Registar i distribuirano vlasnicima **203 instruktorske dozvole**. Preostali zahtjevi su u postupku rješavanja (provjera validnosti dokumenata kroz evidencije federalnog MUP-a) ili su instruktorske dozvole u fazi štampanja. Ministarstvo je organizovalo predavanje za vozače-instruktore. Predavanju iz oblasti bezbjednosti saobraćaja, saobraćajne psihologije i pedagogije je prisustvovao **231 instruktor**.

Dana 24.11.2007.godine organizovano je prvo **polaganje ispita za vozače motornih vozila** prema novim propisima, pri čemu je u jednom ispitnom terminu u novembru te u 5 redovnih i 9 vanrednih termina u decembru 2007. godine **ispitano 2.348 kandidata** od čega

**805 kandidata teoretski dio ispita - testovi i 1.543 kandidata praktični dio ispita - upravljanje motornim vozilom.**

Održan je niz sastanaka sa predstavnicima Federacije, Brčko Distrikta, Republike Srpske Ministarstva unutrašnjih poslova TK, srednjim školama koje obrazuju zanimanja saobraćajne struke, predstavnicima udruženja vozača-instruktora i vlasnicima auto škola na kojima je kroz konsultacije i pojašnjenja skrenuta pažnja na primjenu Zakona i pratećih Pravilnika, te na prava i obaveze auto škola, kandidata i Ministarstva kao nadležnog organa.

Od MUP-a je preuzeta sva dokumentacija kandidata koji su zatečeni u postupku sticanja uslova za dobijanje vozačke dozvole na području Kantona 15.11.2007 godine (**oko 2.700 predmeta**). U postupku formiranja odsjeka za saobraćajnu edukaciju izrađen je Pravilnik o sistematizaciji radnih mjesta objavljen interni oglas za namještenike, a zatim i javni oglas i konkurs za popunjavanje radnih mjesta.

Javnim pozivom izvršen je odabir najpovoljnijeg ponuđača za štampanje obrazaca propisanih Zakonom i pratećim Pravilnicima koji se koriste u postupcima sticanja licenci, dozvola vozač-instruktor i dozvola za vozače motornih vozila, kao i izradu instruktorskih dozvola i licenci.

Odsjek za saobraćajnu edukaciju finansira se kroz vlastite prihode Ministarstva ostvarene kroz naknade koje se uplaćuju od strane kandidata za sticanje licenci, dozvola za vozače instruktore i dozvola za vozače motornih vozila. Kroz aktivnosti koje su vođene u 2007. godini na račun vlastitih prihoda Ministarstva uplaćena su (okvirno) sljedeća sredstva:

a) Prihodi od licenciranja za <b>64 licencirana lica</b>	17.100,00 KM
b) Prihodi od reverifikacije <b>98 auto škola</b>	64.850,00 KM
c) Prihodi od uplata za sticanje dozvole vozač-instruktor za <b>14 lica</b>	16.164,00 KM
d) Prihodi od uplata za zamjenu dozvole vozač-instruktor	6.520,00 KM
e) Prihodi od naknada za polaganje vozačkih ispita za <b>2.348 kandidata</b>	122.956,00 KM
Ukupno prihodi u 2007. godini	<b>227.590,00 KM</b>
Ukupni rashodi u 2007. godini	<b>66.971,67 KM</b>
Neurošeni prihodi u 2007. godini preneseni u 2008. godinu	<b>160.618,33 KM</b>

Iz vlastitih prihoda Ministarstva ostvarenih pružanjem usluga fizičkim i pravnim licima izvršena je nabavka vozila za potrebe Odsjeka za saobraćajnu edukaciju, isplaćene naknade za predavače u postupku edukacije za sticanje licenci i dozvola za vozače instruktore, rad predsjednika i članova ispitnih komisija, administrativnih radnika angažovanih na poslovima sekretara ispitnih mjesta, troškovi štampanja propisanih obrazaca koji se koriste u radu auto-škola, ispitnih komisija i samog Odsjeka za saobraćajnu edukaciju, te dio planirane nabavke kancelarijskog namještaja i računarske opreme za potrebe Odsjeka.

## **KULTURA**

U skladu sa Programom rada Ministarstva, tačnije – Odjeljenja kulture i sporta, saglasno obavezama koje proističu iz Zakona o izvršenju budžeta Tuzlanskog kantona za 2007. godinu, te na osnovu obaveze iz člana 41. Pravilnika o unutrašnjoj organizaciji Ministarstva, kojim je predviđeno da, nakon isteka tromjesečja, rukovodioci odjeljenja podnose izvještaj o izvršenju plana rada, u prvom i drugom kvartalu 2007. godine obavljanje redovnih poslova se odvijalo otežano. Odlaskom iz Odjeljenja uposlenika s desetogodišnjim iskustvom (savjetnika) stvorilo je probleme sustizanja rokova i odrazilo se na efikasnost u

radu prilikom servisiranja poslova vezanih za pripremu kriterija i raspisivanje javnog poziva za dodjelu sredstava za kulturne manifestacije i izdavačku djelatnost, odnosno sport i fizičku kulturu. Formiranje i rad komisija, koje odlučuju o aplikacijama i predlažu dodjelu sredstava je realizovan sa zakašnjenjem kao i obavljanje stručnih bibliotekarskih i arhivističkog ispita.

Karakteristike rada u prvom polugodištu 2007. se, u najkraćem, vezane su za nastojanje da se, ipak uspješno, i u nestandardnim okolnostima ažuriraju dnevni poslovi – sve obimnija komunikacija sa strankama i odgovori na uobičajene akte, koji dolaze na našu adresu.

Najobimniji i najozbiljniji posao, obavljen uz saradnju s dugim dijelovima Ministarstva i uz oslonac na iskustva iz prethodnih godina, ipak je završen u proceduri priprema odluka o kriterijima za (1) raspodjelu sredstava za kulturne manifestacije, (2) raspodjelu sredstava za izdavačku djelatnost i (3) raspodjelu sredstava za sport i fizičku kulturu za 2007. godinu.

Rad sa strankama u vremenu planiranom za prijem stranaka (dvaput, ali i više puta sedmično) bio je sastavni dio posla – od početka godine. I, što se može učiniti prilično čudnim, većini stranaka je valjalo objašnjavati ono što se već četvrtu godinu dešava i uveliko je postalo praksa – da je f i n a n s i r a n j e aktivnosti u kulturi i sportu moguće samo putem javnog poziva, dakle apliciranja na tendere jednom godišnje, te da nikakav drugi oblik više nije izvodljiv, niti dopušten.

Povećan broj zahtjeva iz nekih institucija kulture i sporta za dobijanje sredstava iz stavke kapitalnih ulaganja (rekonstrukcija objekata, otklanjanje kvarova, itd. – u Srebreniku, Tuzli, Gradačcu, recimo) jedna je od aktivnosti, koja je u prvom kvartalu bila obilježje rada Odjeljenja. Gotovo svim interesentima (strankama), morali smo odgovoriti da su «kapitalna ulaganja» ograničena, više nego skromna i da je zahtjeva č e t i r i puta više nego što je sredstava na raspolaganju. Prema dobijenoj instrukciji, sugerisali smo im da sačekaju eventualni rebalans kantonalnog budžeta i da se nadaju mogućnosti da se u to uklupe.

Obavljen je proces polaganja bibliotečkog ispita za 16 kandidata i arhivističkog ispita za (15 kandidata).

U toku godine nisu pripremljeni svi podzakonski akti i izvještaji iz oblasti kulture predviđeni Programom rada Ministarstva iz opravdanih razloga: Ministarstvo su napustila dva pravnik, Odjeljenje savjetnik, tako da je normativni dio službe – sveden na minimum.

Urađena je: Radna verzija Pravilnika o uslovima za osnivanje i rad muzeja i galerija; Radna verzija Pravilnika o uslovima za rad pozorišta i Radna verzija Pravilnika o sadržaju i načinu vođenja evidencije tekućeg rada i čuvanja dokumentacije pozorišta;

Savjet za kulturu TK, formiran odlukom Vlade TK, čiji rad «servisira» i omogućava Ministarstvo – tačnije Odjeljenje za kulturu pored ostalog bio je u obavezi da izradi dokument *Vizija razvoja kulture u TK do 2010. godine*. Kao razlog za neizvršavanje obaveza navodi se neisplaćena naknada za rad članova Savjeta u 2006. godini i neprimjerena naknada u 2007. godini.

Ministarstvo je pružilo pomoć Arhivu TK za dobijanje prostora za deponovanje građe – u vojnom objekata Dubrave koji je federalna Vlada dodjelila Medžlisu Islamske zajednice. Medžlis Islamske zajednice je ustupio prostor za deponovanje građe bez naknade.

Odjeljenje za za kulturu i sport je bilo angažirani na poslovima pripreme, prikupljanja i obrade predmeta u postupku davanja saglasnosti za imenovanje direktora ustanova kulture, imenovanju upravnih odbora odbora, davanju saglasnosti za raspisivanje konkursa/oglasa i saglasnosti za unos podataka u centralizirani sistem za obračun plaća.

Odjeljenje je, doduše indirektno učestvovalo u okončavanju procedure za izbor novog Nadzornog odbora JP RTV TK. Obavljena je procedura izbora tri zajedničke konkursne komisije (opština Tuzla i Kanton) za razgovor s kandidatima za nove upravne odbore Narodnog pozorišta u Tuzli, Narodne i univerzitetske biblioteke «Derviš Sušić» i Međunarodne galerije portreta, koji se biraju na temelju obaveza iz ugovora o suosnivačkim pravima i obavezama Tuzle i Katnona, koji za ove tri ustanove kulture važe od 1. januara 2007. godine. Istovremeno, tekao je proces usklađivanja Pravila o organizovanju i Pravilnika o unutrašnjoj organizaciji ove tri ustanove. Trebalo ih je prilagoditi novonastalim uslovima – suosnivačkim pravima i obavezama Tuzle i Kantona, te drugim propisima, da bi se izvršila preregistracija ovih ustanova. Poslovi oko usklađivanja akata i davanja saglasnosti Vlade Kantona na iste su uspješno okončani.

U redovnoj komunikaciji sa strankama iz oblasti kulture i sporta, završen je veći broj tekućih akata – davanja saglasnosti, podrške ili pomoći u vezi sa pripremom zahtjeva tih subjekata za obraćanje institucijama na federalnom nivou (npr: Draft-teatar iz Tuzle i ustanove kulture čiji je osnivač Kanton su se obraćale s molbom da ih podržimo postupku aplikacije za sredstva od Federalnog ministarstva kulture i sporta; zatim zahtjev Udruženja bosansko-njemačkog prijateljstva iz Berlina sa molbom za podršku i pomoć u uspostavljanju veza s medijima institucijama, koje bi mogle osigurati građu za rad Udruženja bosansko-njemačkog prijateljstva, koje ima za cilj da afirmiše našu kulturu, tradiciju, historijsko nasljeđe, itd).

Održan je vrlo uspješan sastanak s direktorima sedam ustanova kulture, čiji je osnivač Kanton. Razmijenjene su informacije o aktuelnom stanju ovih ustanova, te dogovorena potreba izrade vizije razvoja kulture u Kantonu za narednih pet godina.

Zbog problema s organizacijom rada u Odjeljenju, u prvom polugodištu nismo uspjeli izvršiti dio redovne obaveze – dostavljanje knjiga na adrese škola, biblioteka i drugih korisnika, na način na koji je to (po predviđenom propisu) obavljano prethodnih godina. Podsjećamo, knjige koje Ministarstvo otkupi putem javnog tendera za izdavačku djelatnost – posebnim odlukama se doniraju zainteresovanim korisnicima, mahom školama, iako ima i mnogo drugih interesenata, kojima smo izašli u susret (npr. biblioteka Doma penzionera, Kazneno-popravnog zavoda u Tuzli, itd.).

Do kraja aprila, raspisani su tenderi za sport i fizičku kulturu, kuturne manifestacije i izdavačku djelatnost. Tri komisije, formirane rješenjem ministrice obradile su zaprimljene prijave na javni poziv i sačinile prijedloga raspodjele do sredine juna. Po okončanju revizije provedenog postupka uz prethodnu saglasnost Vlade Kantona izvršena je dodjela sredstava iz programa finansiranja sporta, fizičke kulture, izdavačke djelatnosti i manifestacija iz oblasti kulture.

U okviru 14. sajma PROMO, krajem maja i početkom juna, održana je internacionalna sajamska Manifestacija «Dani knjige», čiji suorganizator (i sufinansijer) je bilo i Ministarstvo. Petodnevno trajanje manifestacije, 11.000 posjetilaca je bilo prilika za to da se predstave izdavači iz naše i susjednih zemalja, što je dobar put ka tome da – umjesto nešto skromnije manifestacije Izložba knjige TK, koju smo imali prethodne četiri godine – idemo na unapređivanje afirmacije knjige kroz Dane knjige i internacionalizaciju i razvoj ove smotre.

U okviru kontinuirane djelatnosti ovog ministarstva, radilo se na aktivnostima pisane i usmene komunikacije sa pravnim i fizičkim licima u oblasti kulture i na pružanju stručne pomoći ustanovama i udruženjima u osnivanju, a u pogledu obezbjeđivanja minimalnih uvjeta



za rad i funkcioniranje, pružanje podrške pri donošenju odgovarajućih akata upravnih odbora i organa rukovođenja, te u nadziranju provođenja zakonitosti u radu tih ustanova.

Uspjeli smo u nastojanju da na gotovo svim – precizno: **na 107 manifestacija bude prisutan predstavnik ovog ministarstva** (otvaranje izložbi slika, prisustvo akademijama, književnim večerima, izložbama slika, promocijama knjiga, dodjelama godišnjih nagrada, skupštinama udruženja iz oblasti kulture, koncertima ozbiljne muzike, izložbama umjetničke fotografije, takmičenjima učenika i studenata muzičkih škola i akademije, promocijama djela poznatih pisaca isl.) te drugim značajnim kulturnim događajima. Imajući u vidu raspodjelu i neodložnost vršenja poslova, nismo bili u mogućnosti biti prisutni na zanemarljivo malom broju manifestacija.

## INFORMISANJE

Zakonom o javnom informisanju TK uređuje se ostvarivanje prava i sloboda građana vezanih za javno informisanje u Tuzlanskom kantonu. Podsjećamo na to da je ovo Ministarstvo nadležno samo za nadzor za provođenjem ovog zakona, a za oblast radio-difuzije, u smislu zadovoljavanja uvjeta za dodjelu frekvencija i kontrolu (nadgledanje) rada, nadležna je Regulatorna agencija za komunikacije (RAK).

Nadzor nad radom sredstava informisanja u smislu primjene Zakona o informisanju vrši Ministarstvo. S obzirom na to da nije bilo pojava kojima bi se moglo ustvrditi kršenje primjene Zakona o informisanju, u izvještajnom periodu nije bilo potrebe za djelovanjem te vrste.

## SPORT

Sport kao djelatnost od javnog interesa zauzima značajno mjesto u svakom društvu. Finansijsko i drugo učešće u sportu kroz Budžet značajno je i važno pitanje.

Donošenjem Budžeta TK za 2007. godinu sportu su doznačena sredstva u visini od **1.700.000,00 KM**, tako da je Ministarstvo obrazovanja, nauke, kulture i sporta u svrhu transparentnog utroška sredstava oformilo devetočlanu Komisiju koja je radila na Programu raspodjele a na osnovu Kriterija koje je usvojila Vlada Tuzlanskog kantona.

Programu raspodjele sredstava komisijski se pristupilo poslije konkursa koji je bio raspisan 19.4.2007. godine.

Komisija je kroz nekoliko sastanaka radila na raspodjeli po utvrđenim Kriterijima i jednoglasno je donijela konačnu verziju Programa raspodjele za 2007. godinu koju je predočila Vladi Tuzlanskog kantona.

Vlada Tuzlanskog kantona je zvanično dala saglasnost na predočeni Program što je donošenjem odluke i potvrdila.

Plan raspodjele podrazumijevao je: transfer klubovima – sportskim organizacijama, sufinansiranje trenaznog procesa, zdravstvene zaštite sportista, kvalitetnih sportaša za nastup, mlađih kategorija kroz međunarodne nastupe kao i za Evropski Olimpijski festival mladih, sufinansiranje školskog sporta (kantonalni i federalni nivo), međunarodnih manifestacija koje su organizovane na Tuzlanskom kantonu, sufinansiranje seminara za pedagoge tjelesnog odgoja sa Tuzlanskog kantona, nagrada – stipendija najboljim sportistima i finansiranje invalidnog sporta.

I ove godine, dio za trenazni proces, Komisija je zauzela stav da se doznači klubovima a onda klubovi da sklapaju Ugovore sa sportskim dvoranama koje pružaju usluge.

Po javnom oglašavanju prispjelo je **198 aplikacija**, od toga je uvršteno za raspodjelu **159 aplikacija koji su ispunjavali uslove** i čija je dokumentacija bila potpuna a ostali su odbačeni iz razloga što se nisu uklapali u Kriterije.

Kabinetu Vlade dostavljen je spisak sportskih manifestacija koje su od posebnog interesa za Kanton kako bi bile blagovremeno uvrštene na poziciju Vladinih manifestacija

(proglašenje sportista TK za 2007. godinu, karate turnir «TK Open 2007.», bokserski turnir mira „Aco Stanković 2007“, košarkaški memorijalni turnir Slobodinih velikana 2007., međunarodni turnir Košarke u kolicima – Willi Brinkman i KUP šampiona Evrope B Program u atletici.

Sa realizacijom doznačenih sredstava krenulo se dosta kasno (septembar mjesec), tako da su sve ovo momenti koji su nam otežavali komunikaciju sa sportskim organizacijama.

U toku prve polovine 2007. godine u finansijskom i organizacionom smislu i resorno Ministarstvo je pomoglo održavanje velikog broja školskih (kantonalnih, kao i na federalnom nivou) takmičenja na kojima je uzelo učešće oko **3.000 učenika** što govori o velikom sportskom potencijalu Tuzlanskog kantona.

Pored navedenih aktivnosti kojima je ovo Ministarstvo koordiniralo pružena je i znatna finansijska **pomoć sportskim klubovima i pojedincima sa iskazanim vrhunskim rezultatima u različitim sportskim disciplinama.**

Obezbjedene su jednokratne stipendije najuspješnijim sportistima u muškoj i ženskoj konkurenciji u svim kategorijama za 2007. godinu, koje se uručuju u povodu proglašenja najboljih sportista za tekuću godinu.

Ministarstvo će finansijski i organizaciono pomagati u organizaciji sportske manifestacije **«Izbor sportiste TK za 2007. godinu»** koje se održala u drugoj polovini decembra mjeseca. Iz godine u godinu sve je manje primjedbi na stručni rad žirija i odabira najboljih po kategorijama.

U februaru mjesecu dali smo svoj doprinos zajedno sa Vladom koja je bila pokrovitelj velikog međunarodnog karate turnira pod nazivom **«TK Open 2007»** koji je ove godine pored evidentnog kvaliteta takmičara okupio i veliki broj učesnika – oko 1200 prisutnih.

Pokroviteljstvo se realizovalo i za organizaciju održavanja završnice Premijer lige u karateu.

I ove godine košarka u kolicima uzela je učešće u klasifikacijama KUP-a Willi Brinkman u vremenu od 15. do 20.5.2007. godine i to zahvaljujući organizacionoj i finansijskoj pomoći Ministarstva obrazovanja, nauke, kulture i sporta i Vlade TK.

**Ministarstvo je pomoglo u finansiranju učešća klubova na domaćoj i međunarodnoj sceni** (Karate klub «Tuzla Simbra» svjetsko i KUP Šampiona Evrope, Džudo klub Lukavac – organizacija međunarodnog džudo turnira i dva državna prvenstva (juniori i mlađi juniori), Hrvачki klub «Sloboda», Atletski klub «Sloboda-Tehograd», Plivački klub «Sloboda, «Zmaj» i «Galeb Koksara», Stonoteniški klub «Kreka – Jedinstvo», ŽOK Tuzla i Odbojkaški klub «Polo» Kalesija, Teniski klub „Sloboda“, „Zmaj“ i „Poštar“, odbojkašku kantonalnu ligu za kadetkinje i potencijalne kandidate za Olimpijadu mladih koja je održana u avgustu mjesecu u Beogradu.

Posebno su tretirani i poseban status su od strane ovog Ministarstva imala grupa sportista predviđena za državne selekcije kao i kandidati iz atletskog i plivačkog kluba «Galeb Koksara» koji su stekli pravo učešća na evropskim i drugim međunarodnim takmičenjima.

Posebna pomoć i razumijevanje pružena je organizacijama koje se bave hendikepiranim i osobama ometenim u razvoju.

Pored navedenih aktivnosti, Ministarstvo poštuje protokol sa Sportskim savezom TK o organizaciji **takmičenja za učenike osnovnih i srednjih škola** prvi ciklus (atletika, košarka, odbojka), drugi je obuhvatao kros, stoni tenis i šah (koji će biti održan u decembru mjesecu).

U periodu maj – juni održana su **kantonalna prvenstva za osnovne i srednje škole u atletici, košarci i odbojci** i praćen je odlazak atletskih reprezentacija Tuzlanskog kantona na finale Kupa BiH u Sarajevu – atletika, Vogošća – košarka i odbojka. Finansiranje ovih školskih manifestacija išlo je preko Ministarstva obrazovanja, nauke, kulture i sporta, gdje su selekcije sa Tuzlanskog kantona imale zapažene rezultate. Drugi ciklus takmičenja (kros, stoni tenis i šah) održan je u oktobru mjesecu i prati se kontinuitet do decembra.

Uz tehničku organizaciju Sportskog saveza TK u Zaostrogu je u periodu od 26.8. do 29.8.2007. godine održana treća (III) **ljetna škola za nastavnike i profesore tjelesnog i zdravstvenog odgoja iz osnovnih i srednjih škola** sa područja Tuzlanskog kantona.

Na seminar se odazvalo 96 nastavnika i profesora. Organizator je obezbijedio uslove za održavanje seminara što podrazumijeva i respektabilne predavače sa stručnim i aktuelnim temama. Održan je i Okrugli sto gdje su se iznijeli utisci o seminaru, gdje su se dali prijedlozi tema za naredni seminar i gdje se raspravljalo o pokušaju organizacije ligaškog sistema takmičenja na Kantonu u pojedinim sportovima.

Ministarstvo obrazovanja, nauke, kulture i sporta treba da finansijski pomogne (kao i 2005. i 2006. godine) i usmjeri sredstva za uplatu koja su inače Programom raspodjele predviđena, ali koja ni do danas nisu namjenski realizovana za ovu manifestaciju. Svoje učešće u uspješnom sprovođenju seminara, pored Ministarstva, Sportskog saveza imao je i Fakultet za tjelesni odgoj i sport Univerziteta u Tuzli.

Održan je okrugli sto na temu: „Rasprava o kriterijima raspodjele sredstava iz budžeta“. Na okruglom stolu su učestvovali predstavnici sportskih organizacija s područja TK, čiji prijedlozi i sugestije su pomogli u definisanju i kompletiranju kriterija.

Održana je i **promocija knjige „Sport i sportsko pravo“** uz organizaciju i pokroviteljstvo Ministarstva obrazovanja, nauke, kulture i sporta uz učešće i pomoć federalnog ministra za sport.

Novoformirani Savjet za sport kroz vid bavljenja stručno savjetodavnim pitanjima iz oblasti tjelesne kulture i sporta bavio se mnogim temama koje se tiču unaprijeđenja sportskog rezultata.

U okviru kontinuirane djelatnosti ovog Ministarstva, radilo se na aktivnostima pisane i usmene komunikacije sa pravnim i fizičkim licima u oblasti sporta i na pružanju stručne pomoći klubovima i sportskim organizacijama.

Nastojali smo da na svim značajnim sportskim događajima bude prisutan predstavnik Ministarstva u čemu smo i uspjeli, nismo bili na zanemarljivo malom broju manifestacija.

**Ministarstvo obrazovanja, nauke, kulture i sporta na čelu sa ministricom redovno je pratilo uspjehe pojedinaca i sportskih kolektiva i adekvatno rezultatima organizovani su prijemi i obezbijeđene su nagrade za osvajače značajnih odličja u 2007. godini.**

Izmjena i dopuna postojećeg Zakona o sportu na nivou Kantona nije realizovana. Do iz razloga što su započete radnje oko donošenja Zakona o sportu na nivou Bosne i Hercegovine. Nacrt Zakona prošao je javnu raspravu i trenutno se nalazi u skupštinskoj proceduri. Za očekivati je da Zakon o sportu na nivou Bosne i Hercegovine ugleda svjetlo dana u 2008. godini. Zbog bojazni da se to neće desiti, u skorije vrijeme Savjet za sport inicirat će eventualne izmjene i dopune Zakona kao i izradu najneophodnijih podzakonskih akata koji se tiču: statusa kvalitetnih i perspektivnih sportista koji će regulisati prava i obaveze, njihovog zdravstvenog stanja – opšteg i materijalnog, kao i statusa ko može raditi u sportu – stručna osposobljenost zainteresovanih za rad u sportu.

Održan je sastanak sa predstavnicima sportskog saveza BiH uz prisustvo premijera i predstavnika općina TK na kome se razgovaralo o oživljavanju pokreta malih olimpijskih igara BiH (MOI) kao najmasovnijeg pokreta u sportu. Vlada Tk zajedno sa Ministarstvom obrazovanja, nauke, kulture i sporta TK na čelu sa ministricom je dalo punu podršku kako bi ovaj vid takmičenja za osnovne i srednje škole u BiH počeo od 2008. godine uz obećanje da će biti finansijski podržan.

U decembru mjesecu Federalno ministarstvo kulture i sporta raspisalo je Javni oglas za raspodjelu sredstava za sport i kulturu u 2008. godini. Jedan od uslova bio je da se priloži i saglasnost kantonalnog resornog ministarstva, tako da je za sve one koji su se zahtjevom obratili odjelu sporta (njih 58 aplikacija) urađena i izdata preporuka.

Ministrica je uz prisustvo premijera i svojih saradnika upriličila u 2007. godini po prvi **put dodjelu stipendija za kategorizovane sportiste**. Takvih je bilo ukupno 25 i to 16 sportista u

I grupi sa iznosom od 245,00 KM mjesečno i 9 sportista u II grupi sa iznosom od 135, 00KM. Namjera ministarstva je da u 2008. godini uveća sredstva namijenjena za stipendije za sportsko usavršavanje – čime bi se i broj sportista uvećao.

Kao kruna okončanja jedne kalendarske godine jeste sumiranje sportskih rezultata i njihova prezentacija javnosti kroz organizaciju sportske manifestacije proglašenja najboljih sportista, sportskih radnika i trenera sa TK održana 28.12.2007. Ova manifestacija se organizuje pod pokroviteljstvom Vlade TK, a u tehničkoj organizaciji Ministarstva i službe Sportskog saveza TK. Može se reći da je 2007. godina okončana uspješno na način kako je bila uspješna i organizacija manifestacije proglašenja sportista TK.

U ovoj godini resorno Ministarstvo prema svojim mogućnostima nastojat će promovirati sport od školskog do vrhunskog sporta kao i invalidni na Kantonu, Bosni i Hercegovini kao i na međunarodnom nivou.

## INFORMACIONI SISTEMI

Ministarstvo obrazovanja, nauke, kulture i sporta Tuzlanskog kantona je u školskoj 2006/2007 i školskoj 2007/2008 godini **nastavilo sa implementacijom informacionog sistema upravljanja u obrazovanju EMIS** (Education Management Information System) u svim osnovnim i srednjim školama Tuzlanskog kantona (121). Ovaj informacioni sistem se koristi već šest posljednjih školskih godina, kako po školama tako i na ministarskom nivou i koristi se u svakodnevnom radu a posebno u oblasti planiranja, analize stanja u školstvu, praćenje trendova, kontrola i praćenje resursa, poštivanje postojećih i planiranja u donošenje novih pedagoških standarda, upravljanja ljudskim resursima u školstvu. Takođe, u toku 2007 godine uspješno su korišteni podaci iz sistema obračuna plata za zaposlenike u obrazovanju iz Ministarstva finansija i njihovo povezivanje sa Emis bazom podataka.

Zvanična web stranica ministarstva [www.monkstk.ba](http://www.monkstk.ba) je dograđivana i na njoj su postavljani aktuelni sadržaji kao i svi javni pozivi i rezultati na osnovu javnih poziva koje je objavljivalo Ministarstvo. Takođe, dogradnja i ažuriranje sadržaja je vršeno i za web stranicu Pedagoškog zavoda Tuzla [www.pztz.ba](http://www.pztz.ba). U sklopu ove stranice je realizovan on-line sistem za podršku Eksternoj maturi za opće gimnazije Tuzlanskog kantona za školsku 2006/2007 godinu.

U toku 2007 godine je **izgrađen kompjuterski program za ažuriranje podataka o korištenju udžbenika u osnovnim školama** u sklopu pokretanja Projekta od strane Federalnog ministarstva obrazovanja za obezbjeđivanje besplatnih udžbenika za sve učenike osnovnih škola u narednoj 2008/2009 godini. **Takođe, izgrađeni su i kompjuterski programi za praćenje i evidentiranje dodjele i vraćanja studentskih kredita kao i kapitalnih ulaganja po različitim oblastim i ustanovama.**

## EKONOMSKO – FINANSIJSKI POSLOVI, PLAN I ANALIZA

Odjeljenje za ekonomsko – finansijske poslove, plan i analizu je u navedenom periodu vršilo slijedeće poslove:

- Rad na popisu sredstava i izvora sredstava Ministarstva obrazovanja, nauke, kulture i sporta sa 31. 12.2006. godine i rad na izradi Elaborata o popisu sredstava i izvora sredstava razdjela 24 - budžetskih korisnika osnovnog, srednjeg i visokog obrazovanja, ustanova kulture koji su u nadležnosti Ministarstva;

- Obrada i analiza podataka iz Nacrta Budžeta radi donošenja Prijedloga Budžeta TK za 2007. godinu za razdio 24 planiranih sredstava za bruto plaće i naknade, naknade zaposlenih i materijalne troškove;
- Izrada Programa mjera za otklanjanje nedostataka u Pedagoškom zavodu Tuzla po Izvještaju od strane Ureda za reviziju TK za 2006. godinu,
- Analiza i obrada zahtjeva ustanova iz nadležnosti ministarstva (osnovno, srednje visoko obrazovanje, ustanove kulture i Pedagoški zavod) za unutrašnju preraspodjelu budžetskih sredstava, realizacija vlastitih prihoda, plaćanje klase 4, **izmjena dinamike u skladu sa Budžetom za 2007. godinu (1.118 zahtjeva)**;
- Analiza i obrada zahtjeva ustanova osnovnog i srednjeg obrazovanja vezano za nedostajuće sredstava u Budžetu za 2007. godinu za ugovorene usluge i odobravanje iz sredstva tekuće rezerve, kao i neplaniranih donacija i grantova od drugih nivoa vlasti, pravnih i fizičkih lica (**50 zahtjeva**).
- Izrada operativnog plana budžetskih sredstava za period januar - mart 2007. godine, za period april – juni 2007. godine, period juli - septembar 2007. godine i oktobar – decembar 2007. godine za Ministarstvo (naknade, materijalni troškovi i transferi koji su u nadležnosti ministarstva) i analiza i obrada operativnih planova ustanova iz nadležnosti ministarstva za period januar – mart i april – juni, juli -septembar i oktobar – decembar 2007. godine (**131 operativni plan**);
- Izrada Dokumenta okvirnog budžeta za period 2008. – 2010. godina za razdio 24 i primjedaba na Nacrt Dokumenta okvirnog Budžeta TK za 2008. – 2010. godinu;
- Rad na analizi podataka vezanih za određivanje koeficijenata i osnovice za oblast osnovnog, srednjeg i visokog obrazovanja i oblast kulture, te izradi Anexa Kolektivnog ugovora za oblast osnovnog, srednjeg obrazovanja, Pravilnika o grupi poslova i okvirnih koeficijenata za oblast visokog obrazovanja i Izmjene i dopune Pravilnika o plaćama i drugim naknadama za oblast kulture;
- Izrada radne verzije Pravilnika o vrsti, načinu i rokovima za korištenje vlastitih prihoda budžetskih korisnika iz oblasti osnovnog i srednjeg obrazovanja u skladu sa Zakonom o izvršenju Budžeta TK za 2007. godinu.
- Prikupljanje podataka od budžetskih korisnika iz nadležnosti Ministarstva vezano za: neevidentirane obaveze za period 01.01. – 30.04.2007. godine, o procjeni izvršenja planiranih budžetskih i vlastitih sredstava u odnosu na stvarne potrebe za bruto plaće i naknade, materijal i usluge do kraja 2007. godine.
- Prikupljanje podataka od budžetskih korisnika iz nadležnosti Ministarstva vezanih za eventualna potraživanja sa Zavodom zdravstvenog osiguranja Tuzlanskog kantona na ime isplaćenih, a nerefundiranih naknada za bolovanja preko 42 dana koja su iskazana na kontu 131391 u periodu do 31.05.2003. i od 01.06.0- 31.12.2003. godine, i podataka vezanih za dugovanja DF PIO/MIO za neplaćene doprinose za period 1992 – 2005. godina.
- Izrada Kriterija za subvencioniranje troškova prijevoza učenika osnovnih škola za 2007. godinu i realizacija faktura za linijski i vanlinijski prevoz učenika dostavljenih od strane osnovnih škola za period septembar – decembar 2007. godine i vanlinijski prevoz na području Općine Kladanj za perod januar – juni 2007. godine.
- Prikupljanje i obrada podataka vezano za nedostajuća sredstva za bruto plaće i naknade, izdatke za materijal i usluge i kapitalna ulaganja, prijedloge unutrašnjih preraspodjela u dijelu budžetskih i vlastitih prihoda i više planiranih vlastitih prihoda, radi izrade Nacrta Izmjena i dopuna Budžeta TK za 2007. godinu.
- Izrada Programa mjera za otklanjanje nedostataka u Ministarstvu obrazovanaj, nauke, kulture i sporta i u ustanovama iz njene nadležnosti vezano za Izvještaj o reviziji finansijskih izvještaja Budžeta TK za 2006. godinu Ureda za reviziju Budžeta institucija u FBiH,

- Nakon vođenja javne rasprave po Nacrtu Budžeta TK za 2007. godinu i 2008. godinu Odjeljenje je sumiralo rezultate dostavljene od strane korisnika koji su u nadležnosti Ministarstva obrazovanja, nauke, kulture i sporta, te dostavilo Ministarstvu finansija radi izrade Prijedloga Budžeta za 2007. godinu i 2008. godinu.

- Obrada zahtjeva za nabavku kancelarijskog materijala, reprezentacije, sredstava za čišćenje, obrada računovodstvene dokumentacije ministarstva i obaveza po osnovu transfera iz nadležnosti Ministarstva, naloga za plaćanje, prihoda po osnovu internih transakcija i vlastitih prihoda, ugovora o djelu vezanih za poslove saobraćajne edukacije.

- Rad u komisijama za nabavku roba i usluga po javnom pozivu za potrebe Ministarstva.

- Učešće u analizi Programa za raspodjelu sredstava za izdavačku djelatnost, kulturne manifestacije i fizičku kulturu i sport.

- Rad na poslovima interne kontrole u dijelu isplata preko blagajne ustanova osnovnog i srednjeg obrazovanja i interne kontrole isplata po računima za fiksne telefone i mobitele i drugim segmentima djelovanja ministarstva i ustanova iz nadležnosti Ministarstva.

- U Operativnom centru za trezor osnovnog i srednjeg obrazovanja prijem, kontrola i unos podataka u pomoćnu knjigu trezora za ustanove osnovnog i srednjeg obrazovanja (121 ustanova, 9 izvršilaca),

- Dostava podataka za potrebe interne i eksterne revizije Ureda za reviziju TK i Ureda za reviziju FBiH.

- Rad sa ustanovama iz nadležnosti Ministarstva, strankama i telefonski pozivi preporuke, savjeti, uputstva).

- Ostali plansko-analitički i računovodstveni poslovi iz ekonomsko-finansijske oblasti.

- Sastanci sa predstavnicima Ministarstva finansija i ustanova obrazovanja i kulture vezano informacije oko izvršavanja Budžeta TK za 2007. godinu.

## **NORMATIVNO-PRAVNI POSLOVI**

Skupština Tuzlanskog kantona je na prijedlog Ministarstva obrazovanja, nauke, kulture i sporta Tuzlanskog kantona donijela:

- Nacrt Zakona o izmjenama i dopunama Zakona o osnovnom odgoju i obrazovanju

- Zakon o izmjenama i dopunama Zakona o Univerzitetu u Tuzli,

- Usvojila informaciju o stanju u oblasti predškolskog, osnovnog i srednjeg obrazovanja.

- Izvještaj o radu JU Univerzitet u Tuzli za 2006. godinu.

- Izvještaj o radu JP RTV TK.

Do donošenja zakona na federalnom i državnom nivou odloženo je donošenje sljedećih zakona:

- Zakon o obrazovanju odraslih,

- Zakona o stručnom obrazovanju i obuci,

- Zakon o predškolskom odgoju i obrazovanju,

- Zakon o zaštiti i korištenju kulturno-historijskog i prirodnog naslijeđa,

- Zakon o izmjenama i dopunama Zakona o sportu

Vlada Tuzlanskog kantona je na prijedlog Ministarstva obrazovanja, nauke, kulture i sporta Tuzlanskog kantona donijela:

- Standardi i Normativi za visoko obrazovanje

Iz nadležnosti Ministarstva obrazovanja urđeni su slijedeći podzakonski akti:

- Pravilnik o izmjenama i dopunama Pravilnika o osnovama i mjerilimaza utvrđivanje plaće i drugih ličnih primanja uposlenika u javnim ustanovama u oblasti osnovnog obrazovanja,
  - Pravilnik o izmjenama i dopunama Pravilnika o osnovama i mjerilimaza utvrđivanje plaće i drugih ličnih primanja uposlenika u javnim ustanovama u oblasti srednjeg obrazovanja,
  - Pravilnik o izmjenama i dopunama Pravilnika o osnovama i mjerilimaza utvrđivanje plaće i drugih ličnih primanja uposlenika u javnim ustanovama u oblasti kulture,
  - Pravilnik o grupama poslova i zadataka i okvirnim koeficijentima za obračun plaća u javnim ustanovama visokog obrazovanja,
  - Pravilnik o vrsti načinu i rokovima raspodjele vlastitih prihoda,
  - Pravilnik o sadržaju i načinu vođenja dokumentacije i evidencije u srednjoj stručnoj školi,
  - Pravilnik o vrsti, načinu i rokovima za korištenje vlastitih prihoda budžetskih korisnika iz oblasti osnovnog i srednjeg obrazovanja u skladu sa Zakonom o izvršenju Budžeta TK za 2007. godinu.
  - Pravilnik o ocjenjivanju rada i napredovanju nastavnika, profesora i stručnih saradnika u osnovnim i srednjim školama .
  - Pravilnik o uvjetima i načinu dobijanja licence,  
Kriteriji za subvencioniranje troškova prijevoza učenika osnovnih škola za 2007. godinu,
  - Elaborata o popisu sredstava i izvora sredstava razdjela 24 - budžetskih korisnika osnovnog, srednjeg i visokog obrazovanja, ustanova kulture koji su u nadležnosti Ministarstva;
- Programa mjera za otklanjanje nedostataka u Ministarstvu obrazovanaj, nauke, kulture i sporta i u ustanovama iz njene nadležnosti vezano za Izvještaj o reviziji finansijskih izvještaja Budžeta TK za 2006. godinu Ureda za reviziju Budžeta institucija u FBiH,
- Pravilnik o izmjenama i dopunama Pravilnika o maturi u općoj gimnaziji
  - Pravilnik o unutrašnjoj organizaciji i sistematizaciji radnih mjesta Ministarstva
  - Izjašnjenje o izmenama i dopunama Zakona o ministarstvima i drugim organima uprave TK(dio koji se odnosi na Minitarstvo).
  - radna verzija Pravilnika o uslovima za osnivanje i rad muzeja i galerija
  - radna verzija Pravilnika o uslovima za rad pozorišta
  - radna verzija Pravilnika o sadržaju i načinu vođenja evidencije tekućeg rada i čuvanja dokumentacije pozorišta

## **OPŠTI I ZAJEDNIČKI POSLOVI**

### **Inspekcija:**

U prvostepenom upravnom postupku pokrenutom po zahtjevu stranaka, zahtjevi su rješavani u propisanom roku.

Inspekcija za obrazovanje je u toku izvještajnog perioda obavila 182 općih pregleda i tematskih pregleda 182 .

Izdato je 250 rješenja sa rokom za otklanjanje nedostataka. Svi subjekti su postupili po rješenju u datom roku. Sačinjeno je 200 zapisnika pri redovnoj kontroli, 85 zapisnika sačinjena su poslije kontrole, 113 zapisnika iniciranih podneskom stranke, po zahtjevu ombudsmena ili po nalogu ministra, i 566 zapisnika sačinjenih poslije kontrole izvršenja rješenja, pokrenuta 2 prekršajna postupka.

Provjera validnosti 526 diploma, svjedodžbi i uvjerenja izvršena na fakultetima,

srednjim i osnovnim školama TK, kao i Arhivu Tuzlanskog kantona. Većina zahtjeva za provjeru je dostavljena od strane Vlade Brčko Distrikta, Federalnog ministarstva za obrazovanje i nauku, Porezne uprave, Glavnog prosvjetnog inspektora RS, Ministarstva obrazovanja RS Slovenije i Univerziteta zapadni Mostar.

**Iz oblasti predškolskog, osnovnog i srednjeg obrazovanja:** saglasnosti 1.535, stručna mišljenja 173, odgovori na upite, zahtjevi za dostavljanjem podataka 231, rješenja o odobravanju polaganja stručnog ispita 275, zahtjevi za dopunu podataka 147, uvjerenja o osposobljenosti za samostalan rad u obrazovanju 308, rješenja o ekvivalenciji inostranih svjedodžbi 94, rješenja o nostrifikaciji inostranih svjedodžbi 125, rješenja o imenovanju komisija 95, potvrde o položenim stručnim ispitima 46, zapisnici o radu Komisija za ekvivalenciju i nostrifikaciju 219, odluke o davanju saglasnosti na listu kandidata za direktora škole 39, odluke o davanju saglasnosti za izbor direktora škole 4, odluke o raspoređivanju tehnološkog viška 196, dopisi, upozorenja i obavještenja 438, odluka o odobravanju zdravstvenog osiguranja 198.

**Iz oblasti visokog obrazovanja i nauke** urađene su 16 saglasnosti, 324 dopisa, 72 rješenja, 216 odluke, 29 izvještaja, 13 zapisnika, 27 potvrda, 6 preporuka, 28 odgovora (strankama putem emaila, poslanička pitanja).

Prilikom sprovođenja postupka dodjele studentskih kredita obrađeno je 653 predmeta, i potpisani ugovori sa 546 studenata dobitnika studentskih kredita, urađeno 45 rješenja za utvrđivanje obaveze povrata studentskog kredita.

Prilikom dodjele sredstava po javnom pozivu "Nauka" obrađeno je 522 predmeta.

**Iz oblasti saobraćajne edukacije** zaprimljeno **2.760 predmeta**, izdato **2.504 uvjerenja**, 217 instruktorskih dozvola (zamjena 203 i 14 poslije polaganja ispita), 64 licence, 251 zahtjev za provjerom validnosti instruktorskih dozvola, 805 provjera uslova za polaganje vozačkih ispita, 78 rješenja o odobravanju rada auto-školama, 20 rješenja o zabrani rada auto-škola, 64 rješenja o imenovanju predsjednika i članova komisija za polaganje vozačkih ispita, 5 odluka o naknadi za obavljanje poslova Komisija.

### **Oblast kulture**

Proveden je postupak raspisivanja javnog poziva za projekte i programe kulturnih manifestacija i izdavačke djelatnosti. Obradeno je 167 aplikacije, doneseno je 143 odluka o dodjeli sredstava po Programu raspodjele sredstava za podršku realizaciji kulturnih manifestacija (39) i Programu raspodjele sredstava za sufinansiranje izdavačke djelatnosti (104).

Obavljen je polaganje bibliotečkog ispita za 16 kandidata i arhivističkog ispita za (15 kandidata).

### **Oblast sporta**

Proveden je postupak raspisivanja javnog poziva za projekte i programe iz oblasti sporta i fizičke kulture. Obradeno je 198 aplikacija po konkursu, uslove je ispunjavalo 159 aplikanta, u raspodjelu je uvršteno 106 korisnika sredstava, urađene su odluke o dodjeli sredstava, preporuka, razni dopisi (odgovori na upite, zahtjevi za dostavljanjem podataka i sl.) Rješenja o imenovanju komisija, saglasnosti i sl..

### **Finansije**

- Analiza i obrada zahtjeva ustanova iz nadležnosti ministarstva (osnovno, srednje visoko obrazovanje, ustanove kulture i Pedagoški zavod) za unutrašnju preraspodjelu



budžetskih sredstava, realizacija vlastitih prihoda, plaćanje klase 4, izmjena dinamike u skladu sa Budžetom za 2007. godinu (**1.118 zahtjeva**);

Izrada operativnog plana budžetskih sredstava za period januar - mart 2007. godine (131 akt).

Analiza i obrada zahtjeva ustanova osnovnog i srednjeg obrazovanja vezano za nedostajuća sredstava u Budžetu za 2007. godinu za ugovorene usluge i odobravanje iz sredstva tekuće rezerve, kao i neplaniranih donacija i grantova od drugih nivoa vlasti, pravnih i fizičkih lica (**50 zahtjeva**).

### **Ostalo**

Proveden je postupak pripremanja, obavještanja i izbora najpovoljnijih ponuđača za nabavku i isporuku roba i usluga u skladu sa Zakonom o javnim nabavkama (urađena obavještenja, zapisnici, odluke i ugovori).

Urađena su Rješenja o postavljenju državnih službenika u Ministarstvu, Rješenja o korištenju godišnjih odmora i isplatu regresa, Rješenja o korištenju plaćenog odsustva, Rješenja o ocjeni rada namještenika, Rješenja o povećanju plaće po osnovu ocjene namještenika i obrađeni zahtjevi po raznim osnovama. Proveden je postupak izbora službenika Ministarstva.

Proveden je postupak oglašavanja i izbora predsjednika i članova privremenih Upravnih odbora u ustanovama kulture.

Urađena su i proslijeđena Izjašnjenja prema Kantonalnom pravobranilaštvu, Uredu Ombusmena i odgovori na poslanička pitanja.

Saradnja sa službama Skupštine Kantona, skupštinskim komisijama, ministarstvima, Uredom za reviziju, Uredom za zakonodavstvo, Uredom ombudsmena, OSCE, školama, Univerzitetom i drugim institucijama je bila uspješna.

**MINISTRICA**

**Doc. dr. Mirzeta Hadžić-Suljić**